

ՆԱՅԱՍՏԱՆԻ ՆԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱԶ

ՆՐԱՄԱՆ № 68-Լ

« 10 » 08 2023 թ.

ք. Երևան

2023 ԹՎԱԿԱՆԻ ՍԵՊՏԵՄԲԵՐԻ 17-ԻՆ ԿԱՅԱՆԱԼԻՔ ԵՐԵՎԱՆ ՔԱՂԱՔԻ ԱՎԱԳԱՆՈՒ ՀԵՐԹԱԿԱՆ ԸՆՏՐՈՒԹՅՈՒՆՆԵՐԻ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ԸՆԹԱՑՔՈՒՄ ՀՆԱՐԱՎՈՐ ԸՆՏՐԱԿԱՆ ԻՐԱՎԱԽԱՆՏՈՒՄՆԵՐԻ ՎԵՐԱԲԵՐՅԱԼ ՀԱՂՈՐԴՈՒՄՆԵՐԸ ԳՐԱՆՑԵԼՈՒ, ՈՒՍՈՒՄՆԱՍԻՐԵԼՈՒ, ՍՏՈՒԳԵԼՈՒ, ԸՍՏ ԵՆԹԱԿԱՅՈՒԹՅԱՆ ՈՒՂԱՐԿԵԼՈՒ, ԴՐԱՆՑ ՔՆՆԱՐԿՄԱՆ ՆԿԱՏՄԱՄԲ ԴԱՏԱԽԱԶԱԿԱՆ ՀՍԿՈՂՈՒԹՅԱՆ ԱՐԴՅՈՒՆԱՎԵՏՈՒԹՅՈՒՆԸ ԲԱՐՁՐԱՑՆԵԼՈՒ ԵՎ ԱՅԴ ՈԼՈՐՏՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱԶՈՒԹՅԱՆ ԳՈՐԾՈՒՆԵՈՒԹՅՈՒՆԸ ՀԱՄԱԿԱՐԳԵԼՈՒ ՆՊԱՏԱԿՈՎ ԱՇԽԱՏԱՆՔԱՅԻՆ ԽՈՒՄԲ ՍՏԵՂԾԵԼՈՒ ՄԱՍԻՆ

2023թ. սեպտեմբերի 17-ին կայանալիք Երևան քաղաքի ավագանու հերթական ընտրությունների նախապատրաստման և անցկացման ընթացքում հնարավոր ընտրական իրավախախտումների վերաբերյալ հաղորդումները, զանգվածային լրատվության միջոցների հրապարակումները և ՀՀ գլխավոր դատախազության թեժ գծով ստացված ահազանգերը (այսուհետ՝ ընտրական իրավախախտումների վերաբերյալ հաղորդումներ) գրանցելու, հաշվառելու, ուսումնասիրելու, ստուգելու, ըստ ենթակայության ուղարկելու, այդ հաղորդումների քննարկման և դրանց հիման վրա նախաձեռնված քրեական վարույթների նախաքննության նկատմամբ դատախազական հսկողության արդյունավետությունը բարձրացնելու և այդ ոլորտում Հայաստանի Հանրապետության դատախազության գործունեությունը համակարգելու նպատակով, ղեկավարվելով «Դատախազության մասին»

Հայաստանի Հանրապետության օրենքի 9-րդ հոդվածի 2-րդ մասի 7-րդ և 11-րդ կետերով, 30-րդ հոդվածի 3-րդ մասով՝

Հ ր ա մ ա յ ու մ Ե մ՝

1. 2023 թվականի սեպտեմբերի 17-ին կայանալիք Երևան քաղաքի ավագանու հերթական ընտրությունների նախապատրաստման և անցկացման ընթացքում հնարավոր ընտրական իրավախախտումների վերաբերյալ հաղորդումների գրանցումը, հաշվառումը, ուսումնասիրությունը, ստուգումը, ըստ ենթակայության ուղարկումն ապահովելու, ինչպես նաև այդ հաղորդումների քննարկման, դրանց հիման վրա նախաձեռնված քրեական վարույթների նախաքննության նկատմամբ դատախազական հսկողության արդյունավետությունը բարձրացնելու և այդ ոլորտում Հայաստանի Հանրապետության դատախազության գործունեությունը համակարգելու նպատակով՝

Աշխատանքային խմբի ղեկավարներ՝ Եղիազար Ավագյան (ՀՀ գլխավոր դատախազի տեղակալ), Լիլիթ Գրիգորյան (ՀՀ գլխավոր դատախազի տեղակալ), աշխատանքային խմբի անդամներ՝ Արտակ Հարությունյան (ՀՀ գլխավոր դատախազության մարդու դեմ ուղղված հանցագործությունների գործերով վարչության պետ), Էդգար Արսենյան (ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության պետ), Ռաֆայել Մանուկյան (Երևան քաղաքի դատախազի պաշտոնակատար), Արսեն Վարդանյան, Շիրակ Խաչատրյան (Երևան քաղաքի դատախազի տեղակալներ), Շուշանիկ Իսրայելյան, Վահագն Պողոսյան (ՀՀ գլխավոր դատախազության մարդու դեմ ուղղված հանցագործությունների գործերով վարչության պետի տեղակալներ), Հայկանուշ Բաղդասարյան, Կորյուն Սերոբյան (ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության պետի տեղակալներ), Արմեն Մուրադյան, Մովսես Անտոնյան (ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության ավագ դատախազներ), Արսեն Գևորգյան, Աննա Հակոբյան (ՀՀ գլխավոր դատախազության

ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության դատախազներ), Իգոր Ալավերդյան, Արմեն Սապոնջյան (Երևան քաղաքի դատախազության ավագ դատախազներ), Մհեր Ափրիկյան (ՀՀ դատախազության գլխավոր քարտուղար), Դավիթ Գրիգորյան (ՀՀ դատախազության գլխավոր քարտուղարի տեղակալի ժամանակավոր պաշտոնակատար), Լուսինե Մարտիրոսյան (ՀՀ գլխավոր դատախազի խորհրդական), Արևիկ Խաչատրյան (ՀՀ դատախազության հանրային կապերի բաժնի պետ), Արևիատ Ստեփանյան (ՀՀ դատախազության հանրային կապերի բաժնի գլխավոր մասնագետ), Շողեր Վարդանյան (Երևան քաղաքի դատախազության տարածքային վարչության պետ), Վահե Հովհաննիսյան (ՀՀ դատախազության գլխավոր քարտուղարի տեղակալ, աշխատանքային խմբի քարտուղար):

2. Աշխատանքային խմբին՝

1) ուսումնասիրել 2023 թվականի սեպտեմբերի 17-ին կայանալիք Երևան քաղաքի ավագանու հերթական ընտրությունների նախապատրաստման և անցկացման ընթացքում հնարավոր ընտրական իրավախախտումների վերաբերյալ հաղորդումները, լուծել դրանց ենթակայության հարցը,

2) գործնական աջակցություն ցուցաբերել Երևան քաղաքի վարչական շրջանների դատախազներին ընտրական իրավախախտումների վերաբերյալ հաղորդումների քննարկման, նախաձեռնված քրեական վարույթների նախաքննության նկատմամբ դատախազական հսկողություն իրականացնելիս,

3) ընտրական իրավախախտումների վերաբերյալ հաղորդումների քննարկման, նախաձեռնված քրեական վարույթների ամփոփման արդյունքներով պատրաստել և սահմանված կարգով աշխատանքային խմբի ղեկավարներին ներկայացնել համապատասխան տեղեկանքներ,

4) սերտ համագործակցություն ապահովել իրավապահ մյուս մարմինների, դիտորդական առաքելություն իրականացնող և շահագրգիռ այլ կազմակերպությունների ու անձանց հետ,

5) ապահովել կատարված աշխատանքների հրապարակայնությունը:

3. Երևան քաղաքի և Երևան քաղաքի վարչական շրջանների դատախազներին՝

1) ընտրական իրավախախտումների վերաբերյալ հաղորդումները քննարկել և դրանց ընթացք տալ հնարավոր սեղմ ժամկետում,

2) ընտրական իրավախախտումների վերաբերյալ հաղորդումների քննարկման և քրեական վարույթների նախաձեռնման, դրանց ընթացքի մասին հաղորդումներ ուղարկել աշխատանքային խմբին,

3) անհրաժեշտության դեպքում, նույնաբնույթ ընտրական իրավախախտումների վերաբերյալ հաղորդումների քննարկման, դրանց հիման վրա նախաձեռնված քրեական վարույթների ընթացքի, ինչպես նաև բարդ ու տարաբնույթ մեկնաբանությունների տեղիք տվող հարցադրումներով միասնական պրակտիկա ապահովելու նկատառումով, խորհրդակցել խմբի ղեկավարների հետ, կազմակերպել քննարկումներ:

4. ՀՀ դատախազության հանրային կապերի բաժնին՝

1) համացանցի ամենօրյա ամբողջական մշտադիտարկման արդյունքներով իրականացնել ընտրական իրավախախտումների վերաբերյալ հրապարակումների, հաղորդումների էլեկտրոնային գրանցումը և հաշվառումը, արդյունքները՝ ինչպես էլեկտրոնային, այնպես էլ թղթային տարբերակով, մինչև քվեարկության օրը և քվեարկության օրվանից հետո աշխատանքային խմբի ղեկավարների կողմից որոշված պարբերականությամբ, իսկ քվեարկության օրը՝ 30 րոպեն մեկ պարբերականությամբ, ներկայացնել աշխատանքային խմբին,

2) կազմակերպել ընտրական իրավախախտումների վերաբերյալ հաղորդումների քննարկման և կայացված որոշումների օպերատիվ լուսաբանումը՝ ապահովելով դրանց հրապարակայնությունն ու թափանցիկությունը:

5. Երևան քաղաքի դատախազի պաշտոնակատարին՝

1) յուրաքանչյուր շաբաթվա առաջին օրը՝ մինչև ժամը 11⁰⁰-ն, իսկ քվեարկության օրը՝ յուրաքանչյուր 3 ժամը մեկ, ամփոփ տեղեկանքներ ներկայացնել աշխատանքային խմբի ղեկավարներին՝ ընտրական իրավախախտումների վերաբերյալ ստացված հաղորդումների, դրանց գրանցման, հաշվառման, ընթացքի և արդյունքների, ինչպես նաև նախաձեռնված քրեական վարույթների և դրանց ընթացքի մասին:

6. Աշխատանքային խմբի ղեկավարներին՝

1) յուրաքանչյուր շաբաթվա երկրորդ օրը՝ մինչև ժամը 11⁰⁰-ն, ամփոփ տեղեկանք ներկայացնել Հայաստանի Հանրապետության գլխավոր դատախազին՝ ընտրական իրավախախտումների վերաբերյալ ստացված հաղորդումների, դրանց գրանցման, հաշվառման, ընթացքի և արդյունքների մասին,


2) անհրաժեշտության դեպքում ՀՀ գլխավոր դատախազին ներկայացնել համապատասխան տեղեկատվական-մեթոդական ուղեցույցների նախագծեր:

7. Աշխատանքային խմբի քարտուղարին՝

Աշխատանքային խմբի ղեկավարների անմիջական համակարգմամբ ընտրախախտումների վերաբերյալ գրագրություններով վարել առանձին գործավարություն:

8. Սույն հրամանի կատարման վերահսկողությունն իրականացնում է Հայաստանի Հանրապետության գլխավոր դատախազը:

9. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին, Հայաստանի Հանրապետության գլխավոր դատախազության ավագ դատախազին և դատախազին, Հայաստանի Հանրապետության զինվորական կենտրոնական դատախազության բաժինների պետերին ու ավագ դատախազներին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին, Հայաստանի Հանրապետության գլխավոր դատախազի խորհրդականներին ու օգնականներին:



Ա. ՎԱՐԴԱՊԵՏՅԱՆ